



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

# MOELETSI OA BASOTHO

PARARE DOMINO PLEBEM PERFECTAM



E etsoa ka  
sepolotiki

3

Sechaba se  
tsetselela litsela

5



## BA JA POQO-KA-HLANAKA

www.moeletsioabasotho.co.ls



Re se re fumaneha ho marangrang

Email: newsroom@moeletsioabasotho.co.ls  
Tel: +266 28350466/ Whats app: 62600983



# MOELETSI

## Bakhethi b'a lekana

**H**ona le polelo ea Sesotho e reng, "matsoho a sebeletsa 'metso" 'me tlhaloso ea eona e ka ba hore motho o lokela ho sebetsa hore a tsebe ho ja. Ka lehlakoreng le leng e ka ba hore motho haeba a batla ho iketla o tla bokella a tlatse sesiu hore boqheku ha bo fihla a je a phomotse hamonate. Ha ho potang hore Litona-Kholo tsa mehlang 'moho le batlatsi ba tsona ba sebeletse naha ena nakong eo ba neng ba le ofising. Ka hona hoa lokela hore ba fumane meropotso kapa mefutso ea liphatlata tsa bona ha ba se ba le phomolong. Litaba tse na kaofela Letona Ofising ea Tona-Kholo le lumellana le tsona, empa sello sa hae ke hore ha ho molao kapa melaoana e laolang tšebeliso ea lichelete tsa batho ba joalo. Hona ho ba fa monyetla oa ho etsa lintho tsohle tseo ba li ratang ba lokolohile. Ha ho shejoa tšebeliso ea bona ea lichelete e bile e feta ea batho ba ntseng ba le kahar'a ofisi.

Na le haeba ho thoe motho o sebeletse naha ke hore a sebelise chelete ka tsela e joalo? Hona ha naha e le maqakabetsing a tla tje e ntse e khaketsoa lijo-thollo ke Naha ea China. Ha ho ke ho etsoe melao joalokaha letona le kopile, e tla thusa tšebeliso e nepahetseng ea lichelete tsa sechaba. Lekala lena le imeloa haholo ke lichelete hoo qetellong le sitoa ho etsa liphetho libakeng tse ling. Bahlomphehi sebelisang chelete ka mokhoa o nang le boikarabello, le hopole bohle ba tlang le ba ntseng ba phela; bona ke boipiletso ba letona ho ba teng ha joale.

Maparamente a tšoenyehile haholo ke tsela eo lintlafatso li etsoang kateng sechabeng, haholo khokelo ea motlakase eo ho bonahalang e nkile mothinya o sele. Ho fihlile tlhokomelong ea ona hore ho sebelisoa sepolitiki ho hokela motlakase metseng le metsaneng. Ka hona ba kopile Lekala la Matla ka mafapha a amehang ho tliša kapel'a Komiti e Alositseng Lihloliloeng litokomane tse bontšang methati e lateloang ha ho hokeloa motlakase.

Mokhahlelo oa Bobeli oa Morero o Thusang Lihloai tse ntseng li Thuthuha (SADP II) o tšoarese lihoai tse 106 tsa litereke tsa Mohale's Hoek, Quthing, Mafeteng le Qacha's Nek thupelo. SADP II har'a mesebetsi e meng ea eona ke ho thusa lihoai ka chelete ho fetola temo khoebo. Eona e thusa ka 70% ebe sehoai sona se tlatsetsa ka 30% e setseng. Lithuso tsena li mekhahlelo e meraro; oa pele ke moo ba shebileng batho ba ntlafatsang boleng ba lihlahisoa tsa bona 'me bona ba thusoa ka chelete e lipakeng tsa M400, 000.00 le M1.5Millione. Mokhahlelo oa bobeli ke o fanang chelete e lipakeng tsa M200, 000.00 le M400, 000.00 e re-retsoeng ho etsa matsete le ho ntlafatsa tlhahiso. Ebe oa ho qetela o khahlametsang bacha ona o fana ka chelete e lipakeng tsa M240, 000.00 ho isa ho M300, 000.00.

Bacha tsamaeang le il'o etsa lipatlisiso tsa hore na ho hloka hahala'ng ho etsa likopo, e le hore le fumane lithuso ho matlafatsa le ho ntlafatsa temo le e fetolele khoebong le tsebe ho hlola leqeme la mesebetsi. Ika-kheleng ka matla temong hobane bophelo bo teng ho eona, 'me le e-na le lekhone atamelang ba leng kahare ho eona le fumane malebela. Tlohelang ho tšaba lintho le e-s'o botse ho hang ka tsona.

**MOLIMO A BOLOKE LESOTHO LE BASOTHO**

# E hlahllella lihoai



## Tšeliso Thakholi

**M**okhahlelo oa Bobeli oa Morero o Thusang Lihloai tse ntseng li Thuthuha (SADP II) o tšoarese lihoai tse 106 tsa litereke tse 'ne tse ka Boroa thupelo ea matsatsi a mahlano, eo sepheo sa eona e leng ho akofisa litaba tsa temo e le khoebo kahar'a Naha ea Lesotho, ka ho ba khahlametsa ka lichelete ho ntlafatsa tlhahiso ea bona ba ipapisitse le maemo a phetoho ea boemo ba leholimo. Thupelo ena e tšoarese Upper Moyeni, Quthing ka la 3 ho isa la 8 Tlhakubele 2025.

H'a bua le baphatlalatsi ba litaba thupelong ena, Ofisiri ea Lekala la Temo le Kanetso ea Lijo le Phepo e Nepahetseng, tlasa Morero oa SADP II o khahlametsang lihoai ka lichelete, Monghali Relebohile Khathibe o hlalositse hore SADP II e tlišo khahlametsa lihoai tse 106 ka tlatsetso ea lichelete tse tlišo li thusa hore li tsebe ho hlahlisa ho ipapisitsoe le

mefuta ea lihlahisoa tseo li li etsang, e le hore ba li holise li be boemong ba khoebo.

A re chelete eo ba e fang lihoai e arotsoe ka mekhahlelo e meraro, 'me mokhahlelong ka mong ba fana ka khahlametso ea 70% ea chelete e hlokoang ke likhoebo tsa bona, e be sehoai sona se itlatsa ka 30%. A re mokhahlelong oa pele ke moo ba khahlametsang lihoai ka chelete e lipakeng tsa M400,000.00 ho isa ho M1.5Millione. "Boholo ba batho bao re ba shebileng mokhahlelong ona ke ba ntlafatsang boleng ba lihlahisoa tsa bona." A rialo.

A re mokhahlelo oa bobeli ke moo ba khahlametsang lihoai ka chelete e kaalo ka M200,000.00 ho isa ho M400,000.00 e leng tse kenang litabeng tsa tlhahiso moo ba li fang chelete ho ea etsa matsete le ho ntlafatsa tlhahiso ea tsona. A re mokhahlelo oa ho qetela ke moo ba khahlametsang bacha ka chelete e kaalo M240,000.00 ka ho isa ho M300,000.00.

A phethela ka hore sepheo se seholo sa hore

ba khahlametsoe ke ho bona hore ba holisa tlhahiso ea bona, e le hore ba tsebe ho ba boemong ba ho fetola temo khoebo. A re e meng ea merero ea SADP II e boetse ke ho bona hore e fokotsa sekhahla sa tse tsoang kante ho naha, le ho ntlafatsa tlhahiso ea mesebetsi. "Morero ke ho boela re ntlafatsa maemo e le hore Lesotho le se hlole le e-ba le batho ba tlokotsing ea lijo." Ke Khathibe eo.

Ofisiri ea SADP II ea ntseng a ikarabella Ofising ea Khahlametso ea Lihloai ka Lichelete, Monghali Tankiso Mothae o boletse hore lihoai tse neng li entse likopo tsa ho khahlametsoa ka lichelete li ne li le 627, 'me ho atlehile feela ba 106 ba litereke tsa Quthing, Mohale's Hoek, Mafeteng le Qacha's Nek. Athe ba liker-eke tse ling ke hona ho ntseng ho hlalohoa likopo tsa bona mekhahlelong e fapakaneng e kenyeletsang hara e meng e mengata, litokomane tsa bona le ho hlaloha hore likopo tsa bona li fela li nyallana le seo ba se kopileng.

E mong oa bahlahisi ba mefuta e fapakaneng ea meroho ea tlišo fumana khahlametso ea SADP II, Mofumahali 'Marethabile Khoarane o boletse hore o tlišo ntlafatsa khoebo ea hae ka ho eketsa sebaka seo a sebeletsang ho sona, ho kenya matanta bakeng sa lijalo le ho eketsa metsi bakeng sa noesetso. A leb-oha Morero ka tšehetso 'me a itlama ho sebetsa ka thata haholo ho ntša naha ea habo bofumeng le tlhokahalo ea mesebetsi.



Contacts: +266 28350 466

62600983 WhatsApp

Email: [newsroom@moeletsoabasotho.co.ls](mailto:newsroom@moeletsoabasotho.co.ls)

Sales and Marketing: (+266) 28 350 466/ 57396597 (WhatsApp)

**MOELETSI oa BASOTHO**  
A LOKHETSE MORENA SECHABA SE PHETHEHLING (LUKE 1:17)

Editorial

Lesoetsa Rakubutu

(+266) 6203 1949 / 58190670

EMAIL: [editor@moeletsoabasotho.co.ls](mailto:editor@moeletsoabasotho.co.ls)

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa



# Li itjella li phomotse



ello ts'ebetsong ea bona le kholong ea lekala, ka hoo ha molao o nang le lipehelo o ka ba teng ba tla tseba ho laola tšebeliso ea lichelete ea Litona-Kholo tsa mehlang. Ba re phenyenye e butsoeng e ba sitisa ho ba le taolo ka ho feletseng le ho laola ka nepo tšebeliso ea chelete eo.

Letona le ile la fana ka mehla ea lithoko tse kenyeletsang motlakase o rekoang ka makhethlo khoe-ling, maeto a kantle ho naha a itlhahelang thoso, mero- potso le tse ling, 'me litjeo tsa bona li holimo ho feta tsa Tona-Kholo le motlatsi ba ka ofising.

A re ho bohlokoa hore ho be le leano le sebelisoang ho laola lichelete tsa Litona-Kholo tse fetileng le hore ba be le lipehelo sebakeng sa maemo, hore lichelete tsa naha li sebelisoa ka nepo. O re ba ntse ba lokisa leano le lecha le tla sebelisoa ho laola tšebeliso ea lichelete tseo.

H'a phethela o ipilelitse ho baetapele bohle hore ha ba fumana menyetla ea litšiane ho 'muso ba se ke ba e sebelisa hampe ba hopolele bokamoso ba naha.

### Nthabeleng Seitlheko

**L**etona Ofising ea Tona-Kholo Mohlomphehi Limphe Tau, le re litjeo

tse Litona-Kholo tse fetileng le batlatsi ba tsona li boima li bile li ja chelete e ngata likhakanyong tse abeloang lekala la habo. Tsena li hlahetse ha ha kopela lekala chelete kapele ho Komiti ea

Mafapha a ikarabellang ho Tona-Kholo, ka la 4 Hlakola monongoaha. Tau ea neng a thetsane ka mahetla le Mongoli e Moholo oa Lekala leo, 'Mabataung Khalane, ba re

menyetla eo benghali bao ba e fuoang ke molao, ba e sebelisa hampe hobane ha ho na pehelo holim'a lithoko tsa bona ba buletsoe phenyenye. Ba re hona ho baka khat-

## Khokelo e etsoa ka sepolotiki-Komiti

### Nthabeleng Seitlheko

**M**ongoli e moholo oa Lekala la Matla, monghali Tankiso Phaphano, o sitiloe ho totobatsa ka pele ho Komiti ea Paramente e Alositseng Lihloiloeng moralo le leoa leo lekala la habo le o sebelisang ho hokela baahi ba naha ena motlakase. Tsena li bile ka la 4 Hlakola monongoaha.

Sena se tla kamor'a ho ngongoreha ha litho tsa komiti eo, tse reng ho bonahala motlakase o kenngoa mabatoeng a maparamente a 'muso le matona, e leng se be- laetsang hore ntlafatso ea mofuta oo, e sebetsoa sepolotiki, 'me le- kala la laeloa ho ea batla likotomane tse hlakileng tse tsamaisang khokelo ea motlakase ho hlaola monahano oo oa litho tse ling tsa paramente. E mong oa Mapara-



mente Mootsi Lehata, o hlahositse hore kabo ea lintlafatso ha e etsoa se-

polotiki e nonyetsa kholo le ntlafalo ea sechaba hobane libakeng tse ling

bothata ha se ho phela ha sechaba libakeng tse joalo, boima ke tlhokaha-

lo ea motlakase, litsela le tse ling.

A re ha joale re se re le boemong boo sechaba se atlehang ho bona tselo ea lintho li etsoang ka eona, 'me ho tla qetella ho se nyahamisitse haholo nakong ea likhetho e bang matona a khetha hore lintlafatso li lebe ho bona. O re mabatooa ohle a na le lithoko ka hoo Basotho ba se khetholloe, lintlafatso li abeloe bohle.

Ea šoereng molepo e le Letona Lekaleng leo, Mohlomphehi Mohlomi Moleko, o re Basotho ba kenyetsoa motlakase ho ipapisitsoe le tlhoko ea sechaba. A re ke takatso ea bona ho bona motlakase o anetse hohle kahar'a naha empa litjeo li le boima.

Thoko ho moo lekala le laetsoe ho ea hlahloba bocha tumellano ea lona le mong'a moaho oa Sekhametsi, ea hulang limilione tse 'ne tsa Maloti tsa liofisi tse ling tsa lekala, ka le reng lichelete tseo li ngata haholo.





# RE TŠEHETSA BACHA

## Tšeliso Thakholi

**H**a se bacha bohle bao e reng ha ba sa kena sekolo kapa ba sa sebetse e be ba kena litlolong tsa molao. Ho teng bacha ba sebelisang lineo le litalenta tseo Morena Molimo a ba fileng tsona hore ba iphelise, le ho phelisa ba malapa a bona le ea habo bona ka tsela e bobebe ea ho etsa mesebetsi e fapakaneng ea matsoho. Relebohile Masenyetse ke e mong oa bacha ba ithehetseng khoebo ea ho etsa mesebetsi e fapakaneng ea ho loha ka makhapetla a poone e kang ea likatiba tsa Sesotho, mekotla, meseme, mafisoana le tse ling tse ngata. O boetse o roka likharetene le lilopo tsa mesamo.

## Thuto le kholo ea hae

Ke hlahetse motseng oa Lisemeng Seterekeng sa Leribe, 'me ka kena Sekolo se Phahameng sa Butha-Buthe ka etsa Foromo ea Bohlano. Ha joale ke se ke phela le batsoali ba ka Ha Thetsane, Maseru moo ba seng ba falletse hona teng. Kholong ea ka ha ke ntse ke le monyenane ke hola ho fihlela ke ba ke kena sekolo ke ne ke sa nahane hore ke na le talenta ea hore nka etsa thepa ea mofuta ona, empa ke ile ka e ratisoa haholo ke ntate oa ka, eo e seng e le mofu kaha bophelong ba hae a ne a loha likatiba tsa Sesotho tse entsoeng ka joang ba loli.

## Lithupelo

Pele ke loha ke se ke ile ka kena lithupelo tse ngata, tsa ho roka le ho loha pele ke qala khoebo ena ea ka. Hantle sekolong ha ke qala ho bala Sehlopha sa Botšelela re ne re rutoa mesebetsi ea matsoho, e kang ea ho loha likatiba le k'hafo. Ka lehlohonolo taba

ea ho loha ha ea ka ea eba bothata bo boholo ho 'na le bao ke sebetsang le bona.

## Tšebetso ea hae

Hajoale re sebetsa re le bararo feela, kaha khoebo ea rona e ntse e hola. 'Na ke ikutloa ke le motlotlo haholo ka seo ke se etsang kaha kea itšebetse. Ho itšebetse ke mosebetsi o monate haholo, feela o batla motho e nang le mamello, sebete le lerato la seo motho a se etsang le ho sebetsa ka thata hore khoebo e atlehe.

## Ha ho bonolo ho qala

## Liqholotso

Joalokaha ke ile ka bolela hore mosebetsi oo re o etsang ha o bobebe, ka hona liqholotso tse ling tseo re ileng ra kopana le tsona ke tlhokahalo ea chelete kaha makhapetla ana re a lata libakeng tse hole tsa masimo. Re ne re hloka chelete eo re tla lefa koloi ho ea re latela ona. Ha re qala re ne re se na eona, 'me ka lehlakoreng le leng re se re nkile likopo ho tsoa bathong ba hlokang thepa. Leha ho le joalo ha rea ka ra lahla tšepo ha re

qholotso e kholo khoebong ena kaha re ne re sitoa feela le ho isetsa bareki ba rona thepa ha ba e batlile ka bongata. Ka nako e 'ngoe ho ne ho le thata hoo re neng re utloa hore kannete rea tlhela, re qapa e 'ngoe khoebo e sa tloaelehang, empa moo re ntseng re lohotha litaba tse na kaofela re ile ra fumana Mosamaria ea molemo ho tsoa ho e mong oa bahoebi ba likhoebo tse kholo ea ileng a re tšehetsa ka lichelete, eo le ho fihlela hajoale a ntseng a re tšehetsa

hlahisoa tsa makhapetla a poone. Se nthabisang ke ho bona bacha ba bangata ba rata ho reka thepa ea rona haholo. Toro ea ka ke ho ba le feme e hlahisang likatiba le mekotla le lintho tsohle tse etsoang ka makhapetla a poone, ha ke se phethe-tse lithuto tsa ka e le hore bacha ba bangata ba tle ba tsebe ho fumana mesebetsi.

## Keletso ho bacha

Ke khothaletsa bacha ho sebelisa litalenta tse fapakaneng tseo Morena Moli-



## khoebo

Bacha ba heso, ho ne ho se bonolo ho qala khoebo ea mofuta ona, kaha thepa eo re e sebelisang, boholo ba eona e fumaneha masimong ha ho kotutsoe e leng makhapetla a poone empa re na le mochini o omisang mahlaka leha re a rekile ho beng ba masimo a ntse a le tala. Re a omisa e be re etsa mofuta eohle ea lihlahisoa tsa makhapetla.

kopana le liqholotso tsa mofuta ona. Ka nako e 'ngoe beng ba masimo ba re rekisetsa makhapetla ana ka litheko tse boima haholo, ha ba bang bona ba re makhapetla a teng empa ha re fihla re fumane ho se na letho. Eba re kena litšenyehelong tsa ho lefa beng ba koloi eo re neng re se re batlile ho ea re nkela makhasi.

Taba ena ea tlhokahalo ea lichelete e hliile e bile eona

litse haholo. Mohoebi enoa o boetse o kentse letsoho ho re batlela 'maraka kante le kahare ho naha ha re qeta ho etsa thepa.

## Ho hiroa le toro ea hae

Kannete 'na ha ke na takatso ho hang ea ho hiroa, kaha toro ea ka e le hore ka letsatsi le leng ke be ke e-na le feme e kholo e etsang mofuta eohle ea li-

mo a ba fileng tsona, hore li tle li ba tsoele molemo. Re kopa 'muso oa habo rona hore oona o kenye letsoho le toma, ka ho matlafatsa litalenta tsa bacha ka ho ba tšehetsa ka mekhoha ea hore ba tsebe ho ithlahisetse mesebetsi. Ba se ke ba etsetsoa lipehelo tse boima tse mona tse etsang hore ba sitoe ho li fihlela leha ba e-na le litsebo tsa ho hlahisa mesebetsi.



## Listen To Us Here

Mafeteng  
Mohlale's Hoek  
Qach's Nek  
Quthing



Maseru  
Berea  
Leribe



Mokhotlong  
Thaba Tseka  
Butha Buthe



www.bokamoso974.co.za



# Sechaba se tsetselela litsela

## Nthabeleng Seithheko

**S**echaba sa Tosing se behile matsoho hloohong kaha se sitoa ho fihla litšebelatsong ka lebaka la litsela tse senyehileng. Litaba tsena li boletsoe ke e mong oa baahi sebakeng 'Mapokano Mokone, ka la 4 Hlakola monongoaha.

O re kamor'a lipula tse matla tse sa emising ba si-

toa ho ea litšebelatsong tsa mantlha joaloka Litsing tsa Bophelo le mabenkeleng. O re ba phela ka thata hobane ho se likoloi tse fihlang metseng ea habo bona hobane litsela li senyehile.

O re ba hloka lintlafatso joaloka bakhethi ba naha ena, empa ba bona eka ba ea sekisetsoa e leng se ba nyahamisang. A re le bona ke karolo ea sechaba e hloakang ho etsetsoa lintlafatso.



Ho sa le Joalo, Mokanselara oa Tosing, ebile e le Molula-Setulo oa Kasele, Retšelisitsoe Mpopo, o hlalositse hore ba eme le monn'a mateneng kaha litsela tsohle tse neng li hokahanya metse li senyehile hoo ho seng moo ba ka tsamaeang ho hang. O re ket-sahalo ena e ama bophelo bo botle ba sechaba le Litokelo tsa bona tsa Mantlha tsa Botho.

O supile hore tseleng ea lehlolohane motho o tsa-

maea bonyane 50KM ha a ea teropong Quthing, sena se bolela hore sebaka sa habo se saletse morao ka lintlafatso 'me se ameha haholo. A re ho bohlokoa hore ha lintlafatso li ntse li lebisoa metseng e meng le bona ba hopoloe hobane ba lula ba behile matsoho hloohong ba thatafalloa ke maeto a bona.

H'a phethela o ipilelitse ho 'Muso oa Lesotho ho nt-lafatsa libaka tse hokelang metse hore sechaba se

phele ka bolokohi, se fumane litšebelatsong haholo sa Quthing se bonahalang se saletse morao.

Mosupisi 'Mamothobi Khosi o tiisitse litaba tsena, ka le reng ba tšoere mamphole ka sekotlo kaha baahi ba Tosing ba sitoa ho fihla litšebelatsong hobane litsela li senyehile. O re seo se etsa hore batho ba nke nako ho fihla kahar'a teropo hobane Setereke sa Quthing ka bo-sona ke sebaka se likhohlo le mangope.



# Pebofatso ea khaho ea matlo

## Nthabeleng Seithheko

**B**asotho ba lokela ho fuoa matlo ka litjeo tse bobebe. Tsena li hlahelletse 'mokeng o neng o bitsitsoe ke Letona la Puso ea Libaka, Borena, Lehae le Sepolesa, Mohlomphehi Lebona Lephema, ka la 5 Hlakola monongoaha.

Moo a neng a memme ba chang ba tšola litabeng tsa khaho le phumantšo ea matlo, ho busisana ka matsapa a ka etsoang ho fa Basotho matlo a boleng ka litheko tse bobebe.

O hlalositse hore ho loke-la ho fanoa ka sebaka moo ba nang le kobo ea bohali ba tlang ho tšohla ka botobo liqholotso tseo naha e tobaneng le tsona phumantšong ea matlo, haholo ho shejoe taba ea khaello ea matlo, litjeo tse phahameng tsa thepa ea moaho, mobu o haellang sebakeng sa khaho esitana le khaello ea lichelete.

Ha bua pitsong ena, Mongoli oa Teropo ea Maseru 'Moea Makhakhe, o bontšitse ha Maseru e tobane le qholotso ea khaello ea matlo a boleng esitana le paballo ea bohloeki, ekaba



liithole tse thata kapa likhoerekhoere. A re baahi ba bangata ha ba khone ho aha matlo a boleng, e leng se ba qobellang ho aha ba sa latele melaoana e laolang litaba tsa khaho kahar'a teropo.

O tsoetsepele hore seo se qetella ka ho baka hore Maseru e be le metse e sa ralehang hantle, joaloka ho hloka khokelo ea marang-rang a tsamaisang likhoerekhoere, khokelo ea metsi le ea motlakase. O entse mohla-la ka linaha tse kang Afrika Boroa, Kenya, Rwanda le Brazil tse nang le maano a hlakileng litabeng tsa phumantšo ea matlo a boleng ka litheko tse tlase ekasitana le maoala ao linaha tsena li a

nkileng ho boloka bohloeki, 'me a re Lesotho le ka etsa boithuto linaheng tse joalo ho akofisa moralo ona.

Ka lehlakoreng le leng, Ofisiri ea Meralo ea Lekhotla la Motse-Moholo Maseru (MCC) Konosoang Lephoto,

o ile a hlalosa haholoanyane ka Polomiti ea Khaho, bohlokoa ba eona le hore na ke methati efe e late-loang ho aha kahar'a teropo ea Maseru. Hara melemo e ka fumanoang ha polomiti ea khaho e le teng, o itse e netefatsa hore ea ahang o aha a ipapisitse le molao le melaoana ea poloheho.

Hape e thusa ho laola tšebeliso e nepahetseng ea mobu le ho bebofatsa phumantšo ea thuso ea lichelete litsing tse alimanang ka lichelete le ho sireletsa meaho e joalo.

Tebello ke hore litsi tsohle tse amehang, ekaba tsa 'muso kapa tse ikemetseng, li tla kopana ha 'moho ho fihlela morero oa 'muso oa ho fa Basotho matlo a boleng ka litheko tse bobebe.





# E ananela bophelo bo botle ba bana



hano la bana ho qoba mafu a mofuta ofe kapa ofe hore bana ba tsebe ho phela hantle.

E mong oa batsoali eo ngwana oa hae a uneng molemo 'Matanki Sebatane, o thoholelitse World Vision ka mosebetsi ona ka le reng e fetotse bophelo ba bona le ba bana. A bonts'a hore ha joale ba se ba e-na le kutloisiso ea lintho tse ngata haholo litaba tsa bohloeki ba bana.

"Re ne re sa tsebe hore ho

hlokomela lehano la ngoana ke ntho ea bohlokoa." A rialo.

A re ba ithutile seo kamor'a ho fuoa thuto ke World Vision, ka hoo ba motlotlo 'me e se khaotse ho ba thusa kaha leha lisebelisoa tsa bana li felile ba se ba tseba hore ba lokela ho ba rekela tsona.

Leha ho joalo, a re ho batho ba se nang monyetla oa ho ithekela lisebelisoa, ba kopa World Vision Lesotho ho tsoelapele ho ba thusa.



## Nthabeleng Seitlheko

E le ho akofisa litaba tsa bohloeki ba lehano baneng World Vision Lesotho Tlaling, e fane ka thepa ea bohloeki ho bana le ho kete ka matsatsi a bona a tsoalo ba le 'moho. Litaba tsena li hlaheletse ketekelong e bileng Tlaling Ha Lengau, ka la 29 Hlakola monongoha.

Mosebeletsi oa Sechaba sebakeng sena Tau Mofula Moabi, o hlalositse hore

mosebetsi ona, ba o etsa selemo le selemo e le ho keteka matsatsi a tsoalo a bana bao malapeng a habo bona ho se nang bokhoni, e le ho tliša thabo bophelong ba bana ba joalo.

O itse ba thusa hape ka litaba tsa bophelo bo botle ba letsatsi le letsatsi ka bohloeki ba lehano le ntlafalo ea lona haholo ho bana. A re ba ile ba qholotsoa ke hore bana ba bang ba sitoa ho hloekisa lehano ka lebaka la bohloeki malapeng.

Esale ba qala mosebetsi

si ona, o re batsoali ba se ba utloisisa ka bohlokoa ba ho boloka bohloeki ba lehano la bana 'me ba motlotlo hobane hoo ke karolo e kholo ea bophelo bo botle ba bana. A re ba boetse ba etsa sena ka ho hlokomela hore ntle le batho ba phelang ka maloting, ba hlokometse hore boholo batsoali ba ne ba se leseling kaha mohopolo oa bona e le oa hore lehano le lokelang ho hloeka ke la batho ba baholo.

O phethetse ka ho ipiletsa ho batsoali ho hloekisa le-



**Moeletsi oa Basotho**  
Prepare Good People For the Lord



### SERVICES

- Advertising Space
- Notice space
- Tenders and Vacancies

### NEWSPAPER CONTENT

- Church news
- Sports News
- Health & fitness
- Agriculture
- Fashion, Dance, Modelling & Events

### SUBSCRIPTION DETAILS

- Monthly Subscription
- Three Months
- Six Months
- 12 Months

**CONTACT US HERE:**  
Tel: +266 28 350 466  
680 78 124 (Whats App)  
moeletsoabasotho@gmail.com



# Kotsoro o thoholetsa sechaba sa Tlaling

## Nthabeleng Seithleko

**M**ookameli e Moholo oa Makhulo Se-terekeng sa Mohale's Hoek, Thabang Kotsoro, o thoholetsa ntlafalo ea makhulo e fihletsoeng ke sechaba sa Tlaling, ka le reng thuto eo ba faneng ka eona e oetse litsebeng tse utloang. Litaba tse na o li hlalositse puisanong le Koranta ka la 28 Hlakola monongoaha.

O re katleho ena e fihlet-



soe kamor'a hore bahlanka ba lekala la habo ba tsoe lets'olo ho ts'oarella sechaba sa tikoloho ea metse e

ka bang e ts'eletseng thupelo ka litaba tsa ntlafalo ea makhulo. A re seo ba se entse kamor'a ho hlokomela hore makhulo a ntse a senyeha nako le nako kaha mohloa o hlokoang ke liphoofole haholo seboku se bonahala se fela.

"Ke thabile ho bona hore ho na le Basotho ba ike-miselitseng ho ntlafatsa naha ea habo bona, hona ke tlhoho." Ke kotsoro eo.

O re ba boetse ba thabisa ke hore sechaba sa tikoloho ena se etsa mosebetsi ona ka boithaopo ho se tefo ea letho, molemong oa moloko o tlang, ntho e bohloko ke hore bao ba etsa mosebetsi nakong ena eo naha e tjametsoeng ke

tlala empa ba itetse kaha ba phela ka liphoofole.

O thoholelitse mosebetsi ohle o etsoang ke Basotho oa ho ntlafatsa makhulo ka boithaopo, ka hoo a kothaletsa sechaba sohle sa Basotho ho ts'oarana ka matsoho ho ntlafatsa makhulo a bona, kaha ho le molemong oa ntlafalo ea bophelo ba bona.

O phethetse ka hore

ba sa habo kaha e ne e se mosebetsi o bonolo. A re ba bile le lipehelo ka hore se-baka se ntlafalitsoeng ho se ke ha lisetsoa ho sona ho fihlela nako ea lilemo tse tharo, 'me ho ntlafatsa libaka tse kang tsena ba lema le mehloa.

E mong oa balisana sebakeng sa Tlaling, ebile e le ea nkileng karolo nakong ea ts'ebetso ea makhulo



mosebetsi ha o entsoe ka boithaopo, ho ba nolofaletsa hore le lintlafatso tse ka lefang sechaba li qale metseng e joalo. A re ba motlotlo hore ts'ebetso ea bona e beha litholoana.

Mokanselara oa Tlaling Jonana Mzwandile, o hlalositse hore sechaba sa habo se etsa mosebetsi oo nakong ea beke, ba fetolana ho se tefo ea letho. A re ba ntlafatsa makhulo a bona hobane ke tsona libaka tseo ba li sebelisang ho fulisa liphoofole.

O re o thabile ke katleho e fihletsoeng ke secha-

Ts'eliso Nathane, o hlalositse hore ho beoa ha makhulo ho matlafatsa mehloa e hlokoang ke liphoofole, ho thusa ho khutlisa boieane ba tlhohleho le ho thusa hore liphoofole li je joang ba bo-leng bo matlafatsang har'a tse ling kotulo e ntle ea boea.

A re balisana ba lokela ho ikobela lipehelo tsohle molemong oa hore makhulo a bona e be a ntlafetseng, ba nene le ho chesa makhulo kaha hoo ho bolaea mehloa ea boleng ho hlaha sehala-hala le litlama tse sa hlokoeng ke liphoofole.

soeng ke bofuma le tlala.

Letona la tsa Machabeng, Mohlomphehi Lejone Mpotjoane o itse ba leboha Naha ea China ka ts'ebetso ena

ho Basotho molemong oa bophelo bo botle, hape e boetse e kenya letsoho kho-long ea moruo. Lijo tse na ke tsa boleng ba M25 Millione.



## Lijo-thollo ho hlaha China



## Nthabeleng Seithleko

**N**aha ea China e nehelane ka lijo-thollo ho Naha ea Lesotho, ka sepheo sa ho khahlametsa sechaba se tlokotsing ea tlala ka lebaka la litholoana tse bakoang ke phetoho ea boemo ba leholimo. Tsena li bile ka la 3 Hlakola monongoaha.

Moemeli oa Naha ea China Lesotho Yang-Xiaokun, o re naha ea habo e phamoleitse holimo mohato oa Lesotho oa ho akofitsa phepo e nepahetseng ka hoo e ts'ehetsa Lesotho e ipapisitse ka letsete la lithuso. A re ha b'a tsepamisa maikutlo a bona ho Lesotho feela empa ba boetse ba ts'ehetsa linaha tse ling tsa Afrika.

A re esale ba ts'ehetsa linaha tsa Afrika ho tloha

ka selemo sa 2016, 'me nakong ea COVID-19 ba ile ba ts'ehetsa sechaba se sengata ka lijo.

Letona Ofising ea Tona-Kholo, Mohlomphehi Limpho Tau, o thoholelitse ts'ebetso e etsoang ke Naha ea China ho Lesotho, ka le reng hona ke mohato o motle o tl'o thusa ho tso-solosa litaba tsa phepo e nepahetseng kahar'a naha haholo ho malapa a tjamet-



# Love isn't only romantic



**W**e have been introduced to love wrongly most of us and have been wired to believe that love is a romantic relationship. We are socialised to believe that those who aren't involved in a romantic relationship lack in some way or the other, making shared love among siblings look less valuable or insignificant. We are made not to appreci-

ate the love that comes from our parents. We feel empty when we aren't dating romantically even when we are surrounded by the fullness of love. Matters get worse when self-love is meaningless and we are made to look down on it, we don't feel the importance of loving ourselves, we don't know how to do it, we are made to wait for someone to love because we don't see the significance of loving ourselves. We are made to be desperate for love and desperation makes us susceptible to being used, we look for love from a point of desperation and emptiness and we take anything that comes our way.

Let us learn to feel our hearts with self-love so as to be self-sustained and self-reliant, we don't necessarily have to be others-oriented, we should look into us to get things right. When we are not desperate we attract the right people and are able to make conscious decisions.



PHYSICAL ADDRESS:  
TRADORETTE BUILDING  
ROOM B22  
WHATSAPP: +266 58524642  
FACEBOOK AS ELEGANCE COUTURE  
INSTAGRAM AS ELEGANCE COUTURE

**ELEGANCE COUTURE**

**Timeless designs,  
tailored for confidence**

Walk with style, wear your grace



**Bophelong mona  
ho hlokahala  
nako le nako u  
itlhahlobe, u  
tsebe ho bona  
hore na u  
phelela ho ba le  
tsoelopele kapa  
u so etsa lintho  
feela ka tloaelo.  
Ha re tloheleng  
ho  
hulana kamor'a  
batho; re qetella  
re  
phethahatsa  
litoro tsa bona  
re lebala tsa  
rona. Re phela  
le batho ha re  
phelele batho!**



**FABRIC THAT SPEAKS**





# TSA KEREKE

## O keteka lilemo tse 50

### Tšelisothakholi

**M**orumuoa oa Kopano ea Maoblata a Maria ea se nang Sekoli, Fr. Patrick Khoaele OMI o ketekile mokete oa thabo le teboho oa lilemo tse 50 tsa tsoalo, o neng o tšoaretswe Parishing ea Maria Mofumahali oa Lefatše, Mazenod ka la 2 Tlhakubele monongoaha.

Mokete ona o ile oa qala ka Sehlabelo se Halalelang sa 'Missa seo khubu ea sona e neng e le ho lebohela Fr. Patrick Khoaele OMI ka mokete ona oa semetletsa le ho mo kopela ho Morena Molimo hore a mo sitse ka ligrasia tsohle tseo a li hlohang e le hore a tle a tsebe ho ntšetsa pele thomo ea hae sechabeng sa Morena Molimo ka lefatše lohle.

Khothatsong ea hae e matla kapel'a phutheho ea bakriste, Fr. Matsau OMI o boletse hore ho mokriste ho lebeletsoe puo e tloaelehileng e utloahalang le boinahano bo kang ba Jesu Kriste, e leng ba sebopuoa sa Morena Molimo. "Motho ea bopiloeng ka ho tsoana le Morena Molimo o tsoanela hore ho hlahe ho eena mahlaseli a seo Molimo a batlang hore a be sona." A rialo.

A re seo bakriste e le li-



ho, a re joale Matsau kea o tlotsoa oa halalela." O boletse joalo a bile a eketsa ka hore Lisakramente tseo re li amohelang, re li amohetse matsohong a batho ba tlotsitsoeng ke batho ba bang ba tlotsoa ke Morena Molimo.

H'a lebohela Fr. Khoaele, o ile a qala pele ka ho mo kopela hore Morena Molimo a mo fe bohale bo batloang ke morutuoa e mong le e mong oa Jesu Kriste, e leng boo a tsoanelang ho bo nka ho Jesu ka sebele, "Jesu a ke a mo lumelle hore litlhohonolofatso tseo a mo fileng tsona ebe ka tsela ea hae hobane ha o hlohonolofatsa ha

leng sona." Ke Fr. Matsau eo.

Mong'a mokete o lebohile phutheho ea bakriste haele mona ba ile ba leboha Morena Molimo 'moho le eena. A re ntho eo ho thoeng ke mokete e fupere lintho tse tharo e leng liteboho, thabo le thapelo "joaloka 'Missa oa kajeno oo morero e neng e hliile e le ho mpeha merapelong, ho thaba le 'na le ho ntakaletsa mahlohonolo, ligrasia le bophelo bo botle."

A leboha Morena Molimo kaha a utloile lithapelo tsa bohle hoba o ile phomolong a ntse a phetse hantle e bile o khutla a ntse a phetse han-



bopuoa tsa Morena Molimo ba lokelang ho ba sona, ke ho thusana ntlheng ea khalalelo ha ba ntse ba tsamaea leetong lena la tšepo. "Ke ho thusana hore e mong a halalele joakaha le 'na ke batla ho halalela. Ke itumelle ho halaletsoa ke motho ea pel'a ka, 'me ke se ke ka bona e ka khalalelo ke ntho e tsoang ho Molimo ka kotlolo-

o amohe seo o leng sona, o etsa hore o be seo o leng sona ka tsela e khethehileng."

A qetella ka hore makhabane ao a nang le ona a tsotello, lerato le mamelo Morena Molimo a ke a mo thuse ho mo matlafalletsa ona. "Maria Movirigo a ke a re thuse bohle re tle re tsoane le Jesu joalokaha a ile amohela ho Molimo seo Jesu a

tle. Lebitsong la Lekhotlana la Kereke, Monghali Lehlohonolo Mohale o ile a mo lebohela le ho mo rapelisa hore a tsoelepele ho alosa mohlape ona oa Morena Molimo, "etsoe mohlape o se nang molisa o fumana hore o'a qhalana li qetelle li jele mabele." A mo lakaletsa katleho le mahlohonolo thomong ea hae.

## 2024-2025 SELEMO C

### SONTAHA SA 1 SA KARISIMA



Deut 26,4-10  
Pesalema 90  
Ba-Roma 10:8-13  
Luka 4:1-13



### Khothatso

## A isoa ke Moea felleng

Joalokaha le hlokometse nako ea Karisima e qalile ka Laboraro la Molimora, 'me nako ena ke eo Kereke e ikopanyang le Jesu Kriste lehoatateng. (CCC #540) Ho lekoka ha Morena Jesu lehoatateng ho senola ho rona tsela eo Mor'a Molimo e leng Messia kateng. Ke tsela e fapakaneng le eo Satane a neng a e nahana, le eo batho ba mo nkang ka eona. Eena Kriste ka sebele sa hae o tlositse khalefo ho rona; "Hobane re na le moprista e moholo ea tsebang ho re utloela mefokolong ea rona, hobane o ile a lekoka joaloka rona, le hoja a sa ka a etsa sebe." (CCC #540; Ba-Heberu 4:15)

Nakong ena ea Karisima ke tloaelo ea Kereke ho bala le ho phela hape liketsahalo tsa pholoho litšebelatsong tsa eona mehleng ea kajeno. Sena se tlama hore katekisima e thuse balumeli ho itumella ho ba le kutloisiso ea moea e amanang le botebo ba pholoho joalokaha litšebelatsong li e hlahisa, 'me re itumelle ho e phela. (CCC #1095) Molaetsa oa Evangelii ea Luka e bua le rona mabapi le thoho ea Kriste lehoatateng. Kriste kamor'a ho isoa ke Moea lefeng o ile a hlola liteko tse tharo, 'me ka eena le ho eena re hopotsa hore le rona re bahloli ntoeng ea rona le boboe.

Ka ho ea ka tradisone ea Kereke, nakong ena, rona joaloka balumeli re biletsoa ho sokoloha libeng tsohle tseo re li entseng khahlanong le Morena. Re biletsoa ho hopola thoho ea Kriste kamehla, ho phela tumelo ea rona ho eena joaloka bana ba Molimo, 'me qetellong re hlahelle le ho ipabola ka makhabane ana; mamelo, besebeletsi, mesebetsi ea rona har'a rona, lithapelo, lihlabelo tseo re li etsang leratong la Molimo Ntate. Ka ho etsa joalo rea tseba hore qetellong thoho ea rona e tla ba letlotlo 'Musong oa Morena le tla fumanoa ke bao e leng bana ba Morena.

Tekong ea pele Satane o laela Kriste ho fetola lejoje bohobe, le hoja Kriste a ne a e-na le matla ka lebaka la ho ba Molimo ha ka a etsa joalo hobane mangolo a ne a tla phethahala joang hobane ho no boletsoe hore ho tla etsahala seo? (Matheus 26:53-4) Karabo ea hae re ka e bapisa le hore motho a ke ke a phela feela ka Bohobe ba Bophelo (Eukariste) kaha e sa lekana ho fa motho pholoho. Hobane mantsoe a se nang liketso a shoele le eona tumelo e hlohang mesebetsi e shoele. (Jakobo 2:26)

Tekong ea bobeli o 'montša mebuso eohle ea lefatše, 'me o mo tšepisa eona haeba a ka mo khumamela. Karabo ea Kriste e fupere melaetsa e 'mele; oa pele o tšoare Molao oa Pele. (Exoda 20:2-3) Oa bobeli; motho a ka boelloa ke'ng ho rua lefatše haeba a lahleloa ke bophelo ba hae? (Matheus 16:26) Ana lilemo tse 'maloa tsa matlotlo le puso li molemo ho feta bophelo bosafeleng boo re tla bo fumana ha re le bana ba Morena? Che!

Bekeng ena eo re tlang re e lebile ha re beheng maikutlo a rona liketsong tsa Kriste ea ileng a isoang ke Moea lefeng. Joalokaha Kriste a ile a hlola liteko tse tharo lefeng, le rona ka mokhoa o tsoanang ha re loaneng khahlanong le meleko eohle eo re kopanang le eona letsatsi le letsatsi, e batlang ho senya kopano ea rona le Molimo Ntate. Ha re sokoloheng libeng tsa rona tsa khale e le hore re tle re halaletsoe ke Kriste 'me re tsebe ho phetha mesebetsi ea moea ka Matla a Moea o Halalelang.

## Bahalaleli har'a Beke

- |    |            |         |
|----|------------|---------|
| 10 | Tlhakubele | Emilian |
| 11 | Tlhakubele | Aurea   |
| 12 | Tlhakubele | Fina    |
| 13 | Tlhakubele | Sabinus |
| 14 | Tlhakubele | Matilda |
| 15 | Tlhakubele | Mancius |



# Se tsoma talenta

## Tšeliso Thakholi

**L**ineho le litalenta tsa papali ea Senuka li tla hlahella nakong ea lilemo tse tharo tse tlang ha bot-samaisi ba sehlopha se sa tsoa thehoa sa Marotholi, se thakhola lenane-thuto la ho tsoma talenta baneng ba lilemo li ka tlaase ho 17 ho isa ho tse 20 le tliil'o qala ka khoeli ea Motšeanong monongoaha. Lenane-thuto lena le bitsoang "Talent Identification

pha sa habo se fumane ho le molemo ho tsoa letšolo la ho batla le ho lokisa libapali tsa kamoso, e le hore sehlopha se tle se be le libapali tse ka tsebang ho qothisana lehlokoa le lihlopha tse ling kahare le kantle ho naha. "Re ile ra ngolla metsoalle ea rona Naheng ea Afrika Boroa tsamaisong ea papali ea senuka, re kopa tšehetso litabeng tsa koetliso e le hore lenane-thuto lena le neng le reretsoe ho qala ngoahola, re tsoe letšolo ho batla bana ba bashanyana le banana ba lilemo tse 17 ho isa ho tse 20 ba ka bang 100 ho tsoa Seterekeng sa Maseru nako ea lilemo tse

# Li'a koebana tsa Super League

## Tšeliso Thakholi

**L**ipapali tsa mokhahlelo oa bobeli tsa Liki e Kholo ea Bolo ea Basali(LWSL), li ile tsa tsoelapele ka katleho e kholo Lebaleng la Lifofane la Mameletana, Maseru ka la 2 Tlhakubele monongoaha moo bompoli ba Lesotho ba bolo ea basali, LDF Ladies e ileng ea sulafaletsa sehlopha sa Thaba-Tseka Ladies letsatsing la Sontaha ka ho se hlohlora ntle ho qenehelo ka thupa ea 9-0. Letsatsi leo le ile la boela la fetoha la lillo le litsikilano tsa meno ho sehlopha se

khutlela Liking e Kholo ea Basali e leng FC Stoko ka 3-0. Haele Sehlopha sa Berea Ladies, sona se ile sa pola sa Bokamoso Ladies ka thupa ea 4-1, 'me LMPS Ladies e bonahalang e bapala hantle haholo matsatsing ana le eona ka mokhoa o tšoanang ea khakhatha Bantu Ladies e tjametsong ke selepe lokong ka ho e sasara ka 4-1. Ka la 2 Hlakola monongoaha se ile sa 'na sa shapuo ea 4-0 ke Berea Ladies. E leng hore taba ena ea ho hlajoa lintlaha tse 'ne e se e batla e le tloaelo sehlopheng sa Ban-

a ntse a e-hloa mekoalaba, 'me a hlile a hana ho ea moriting. Se lahlehela ke lipapali tsa sona beke le beke. Re ile ra buisana le mokoetlisi oa sehlopha Monghali Tefo Pheta ho ka utloa hore na hantle ho se sebetse hantle hona ha sehlopha ho bakoa ke'ng le hore na mohlomong tharollo e ka ba efe. O boletse hore bothata bo boholo bo tjametseng sehlopha sa Bantu Ladies ke ho se tle boikoetlisong ka tsela e nepahetseng. Ke sona sesosa se sehoho sa hore sehlopha se lahleheloe ke lipapali kaha liba-



and Development Programme" le tlang ho tsoelapele ka nako ea lilemo tse peli, le reretsoe ho hlahisa libapali tsa banana le bashanyana tse tla tseba ho holisa le ho ntlafatsa sehlopha le ho se thusa hore ho kena lipapaling tsa Liki e Kholo ea Senuka. Le boetse le tliil'o thusa ho hlahisa libapali tsa boleng bo phahameng tse tla tseba ho bapala boemong ba machaba. Puisanong le mothehi ebile e le mokoetlisi oa sehlopha Tshediso Joseph Hlongwane o boletse hore sehlo-

peli." A rialo. A bontša hore leano ke ho bokella bana 'moho, ba fua koetliso e le hore kamor'a lilemo tse peli ba be ba khetha bao, "re bonang ba le boemong ba ho kena lihlopheng tsa liki. Re tla boela re etsa ntho e tšoanang hape kamor'a lilemo tse ling tse peli e le ha re ntse re batlana le libapali tse tla emela naha lipapaling tsa senuka." A ipiletsa ho bafani le metsoalle ea bona ho tšehetsa lenane lena e le ho holisa le ho matlafatsa papali ea senuka.

matla haholo sa Sekolo se Phahameng sa Mphaki ho tsoa Seterekeng sa Quthing, ha se ne se khakhatha ka phafa ea 2-0. Haele sehlopha se ntseng se li hula pele lokong sa Kick4Life se ile sa tokhotsa se sa tsoa

tu Ladies se maemong a ho qetela lokong. Mathata a sehlopha sa Bantu Ladies e le sona sehlopha se sehoho sa bolo ea basali se emetseng Seterekeng sa Mafeteng ho Women Super League, a bonahala

pali tse tlang boikoetlisong o re ha ho thoe li ngata, ha li fete le leshome. Ho feta mona, boholo ba libapali ke tse ncha tse qalang ho kena sehlopheng, 'me ha li e-s'o tloaele morethetho oa sehlopha.





# Ntoa ea Matlama le Lioli e thata

## Tšeliso Thakholi

**S**ehlopha sa Lioli se hlolehile ho nka monyetla oa ho khutlela maemong a sona a pele lokong, ha se ne se bapala ka mokhekhetho oa 1-1 le sa Lijabatho mafelong ana a beke a tsoa feta, ha Matlama e ntse e tsoelapele ho li hula pele lokong ka ho pola Mzamane ka phafa e bohloko ea 1-0.

Sehlopha sa Matlama se behiloe merebele ke sa Lioli, 'me se li hula pele ka lintlha-kholo tse 45 kamor'a ho hapa papali mafelong a tsoa feta a beke, se saletsoe ke lipapali tse robeli pele se phethela selemo sena sa lipapali. Ha Lioli e na le lintlha-kholo tse 42 le eona e saletsoe ke lipapali tse robeli. Ntoa e sa le kholo lipakeng tsa lihlopha tsena tse peli.

Bororong ke Bantu e seng e le ka moo thakali e



fatelang bakeng sa mojao oa ho hapa liki kamora ho hloloa ke Machokha ka 2-1. Athe boneng ke LDF eo le eona e bonahalang e hlotsoe ho ntlafatsa maemo a eona lokong ka ho bapala ka ho lekana le Linare ka 1-1.

Haele mafelong ana a beke PLMC e entse phatlalato ea ho emisa lipapali

tsohle tsa Liki e Kholo libeke tse peli bakeng sa litlholiso tsa leoto la pele la Mohope oa People's Cup, le tlii'o bapalloa Lebaleng la DiFA, Mohale's Hoek ka la 8 Tlhakubele monongoaha.

Raliphatlalato oa sehlopha sa Lioli, Tankiso Moletsane o ne a bolele mohla Lioli e neng e khakhatha Bantu Lebaleng la Bam-

batha hore ntoa ea ho nka liki e sa le telele haholo, kaha ho sa setse lipapali tse ka etsang phetoho e kholo lokong ea Premier. Ka lehlakoreng le leng batšehetisi ba sehlopha sa Matlama ba behile khatello e kholo ho mokoetlisi oa sona Halemakale Mahlaha hore sehlopha se bapale hantle lipapaling tsohle tse robe-

li tse setseng, e le hore se tsebe ho phamola Mohope oa Liki ho Lioli.

Lihlopha tsena tse peli li latetsoe ke tsa LMPS le LCS maemong a bohlanole a botšelela ka tatellano, tse ka 'na tse etsa liphetho kaha li bonahala li hlasitse haholo, ha ho shejoa tsela eo li bapalang lipapali tsa tsona ka teng.

# Li tšabana bophatšoa



## Tšeliso Thakholi

**S**ehlopha sa Papali ea Bolo ea Maoto sa Mahlaseli ka mokoetlisi e mocha, Monghali Tšoanelo Fokase se tšabane bophatšoa

le sa Swallows ka ho bapala ka seahlolo sa 1-1, papaling e neng e bapalloa Lebaleng la Swallows, Mazenod ka Moqebelo oa la 2 Tlhakubele monongoaha.

Papali ena eo e neng e le ea leoto la bobeli la Liki ea A Division, lihlopha ka bobeli li qalile papali ehlile li bontša

maikemisetsa, empa sehlopha se neng se amohetse baeti sa Swallows, se ne se bonahala se le ka holimo ho sa Mahlaseli ka papali. Swallows karolong ea pele ea papali e ne e bonahala e bapala hantle, e tšoara bolo nako e telele, empa bothata e le ho hlaba lintlha.

Swallows e ne e chakela khafetsa mekoallong ea Mahlaseli karolong ea pele ea papali empa bahlankana ba haelloa feela ke ho beha bolo ka letanteng. Leha Mahlaseli e ne e batla e le ka tlaase ho Swallows ka papali, e ne e sa itheke moroalo kaha karolong ea

bobeli ea papali e ile ea makatsa ba lireng ka litlhaselo tse matla.

Monyetla oa pele o tli leng metsotsong oa bo-85, karolong ea ho qetela ea papali Mahlaseli e ile ea lekanya lintlha ea eba 1-1, hoja Swallows e sa ile le khongolana holimo ka khopolo ea hore e se e thobile ka khaka. Mola o ka pele oa sehlopha sa Mahlaseli o ile oa etsetsa mola o kamorao oa sehlopha sa Swallows tsoke, ha o ne o o phunya ka lehare o batla ho hlaba ntlha e 'ngoe ea bobeli. Leha ho le joalo sethibathibane sa Swallows se ile sa tloa matjato le ho bontša boiphihlelo ba sona ka ho thiba libolo tse kotsi haholo metsotsong ea ho qetela ea papali.

Ha ho setse metsotso e se mekae papali e fela, Swallows e ile ea kapa mollo, 'me ea boela ea tuka malakabe hoo ileng ea hlasela ka matla ho leka ho hlaba ntlha ea tlhoho, empa letsatsi la e likella tseleng kaha moletsaphala o ile a bulula phala ea hae makhetlo a mararo e le pontšo ea hore papali e felile li lekana ka 1-1.

Sepheho sena ha se ea tlišetsa lihlopha tsena lithoana tsa letho kaha li ntse li le maemong a tsona a pele lokong kaha Swallows e ntse e le maemong a bohlanole ka lintlha-kholo tse 18, ha Mahlaseli e ntse e le boemong ba bobeli ka lintlha-kholo tse 11.